

LU MARE NUSTRE

Lu mare nustre garde quant'é bille
llu bbune quanne fa nu quartarjlle;
te 'ncante e ppu te da la ccalamite,
che se stì fore, jecche te rimmite.

J nne lu sacce d'ì perché mme sente
na pascijò, na smanie preputente
de cammenà 'mmeccò jò la marjne
e ce starì la sere e la matine.

La terre ve a vascià, 'lle bettecelle,
e senza fa rremore, belle, belle;
e tu le stì a 'uardà, capace, n'ore
nen te ne pù j v'ì... nen vo lu core.

Sopre chell'acqua, che pare nu mante
de culore cileste, ugne tante
se vede a rimenì 'na lancettucce,
che se ne vé, ndà fusce nu gallûcce...

Chi dice che lu bbelle de lu monne
jé lu magnà, lu bbeve... e ppu le donne,
jé chije che lu core nne lu porte
e che nen sa l'amore quant'é forte.

Sempre ccuscì sarrà 'stu sentemente
e nne lu cagne manche nu mumente,
perché lu mare che mm'à viste nasce,
murte, mm'ha da vedé, dentre a la casce!!!